



Klub poslanika Naša stranka - Nezavisni blok

Broj:

Sarajevo, 8.7.2022. godine

PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM

n/r g. Nebojša Radmanović, predsjedavajući

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 08-07-2022

| Organizaciona jedinica | Klasifikaciona oznaka | Redni broj | Broj priloga |
|------------------------|-----------------------|------------|--------------|
| 01-                    | 50-1-                 | 1103       | 22           |

Na osnovu člana 8. Poslovnika Predstavničkog doma Parlamentarne skupštine Bosne i Hercegovine ("Službeni glasnik Bosne i Hercegovine" 79/14, 81/15, 97/15, 78/19 i 26/20) upućujem sljedeću:

### POSLANIČKU INICIJATIVU

kojom se nalaže Vijeću ministara Bosne i Hercegovine da u roku od 30 dana u parlamentarnu proceduru uputi izmjene Zakona o graničnoj kontroli Bosne i Hercegovine kojim bi se jasno propisalo koje su institucije nadležne za uklanjanje nepropisno postavljenih tabli, zastava i drugih vrsta oznaka na graničnim prelazima u Bosni i Hercegovini te osigura izmjene Pravilnika o obliku, sadržaju oznaka i druge prometne signalizacije kojim se označava granični prelaz i njegovo područje, blizina granične linije kao i način postavljanja tih oznaka i signalizacije i drugih podzakonskih akata u skladu sa navedenim izmjenama Zakona.

### OBRAZLOŽENJE

Predsjedavajućem Vijeća ministara BiH i ministru komunikacija i prometa BiH sam 17.5.2021. godine uputila poslanička pitanja koja se tiču postavljanja i uklanjanja nepropisno postavljenih oznaka na graničnim prelazima u Bosni i Hercegovini te su u dostavljenim odgovorima jasno naznačili koje vrste oznaka smiju biti postavljene na graničnim prelazima. Nakon toga sam uputila više pismenih i usmenih poslaničkih pitanja Vijeću ministara BiH, Ministarstvu komunikacija i prometa BiH, Ministarstvu sigurnosti BiH i Upravi za indirektno oporezivanje BiH, ali niti jedna od ovih institucija nije dala precizan odgovor ko je nadležan za uklanjanje ovih oznaka iako svakodnevno svjedočimo postavljanju novih nelegalnih zastava, tabli i oznaka na graničnim prelazima. U odgovoru Vijeća ministara BiH broj: 05-50-1-311-4/22 od 8.6.2022. godine, navedeno je da nigdje u Zakonu i Pravilniku nije decidno propisano "ko je nadležan za uklanjanje nelegalno postavljenih tabli" te iz tog razloga podnosim navedenu poslaničku inicijativu kako bi se ovo pitanje napokon razriješilo.

S poštovanjem,

Mirjana Marinković-Lepić,  
Poslanica u Predstavničkom domu  
Parlamentarne skupštine BiH